



Jon Paul Thom è expert da la tratga da vatgas-mamma ed ha preschentà diversas razzas da chasa en il chantun Grischun.



Divertiment musical cun participaziun guvernamentala: Il Jodelclub Calanda cun il chantatur, cusseglier guvernativ Martin Jäger.



Paul Caduff percunter ha examinà e rangà cun eglia critica vatgas da latg.

Ina agricultura grischuna multifara

L'exposiziun da l'agricultura grischuna ha carmalà la populaziun a Cuir

DAD ANDREAS CADONAU / ANR

■ Durant dus dis è l'agricultura grischuna sa preschentada avant la porta da la chapitala grischuna. La purschida ha chattà grond consentiment tar la populaziun e profità dad excellentas cundiziuns. La Agrischa è perditga dad ina agricultura grischuna vitala e varianta. Era l'Agrischa da la fin d'emna a Cuir en la Obere Au è s'orientada al concept d'exposiziun s'establi dapi onns. In martgà cun ina gronda purschida da victualias, divers stans dad interpresas che porschan servetschs a e da l'agricultura ed ina muntanera dad animals da niz furman il coc da l'exposiziun annuala da l'agricultura grischuna. Ina exposiziun enromada da diversas purschidas culturalas, musicalas e cun indiriz installads per divertir ils uffants. In concept d'exposiziun sa cumprovà che po carmalar las massas, tant pli che l'aura da primavaira è sa mussada da sia meglra vart la sonda e dumengia passada. Appreziasas tar il publicum èn sa chapescha las diversas preschentaziuns dals animals. E quellas preschentaziuns han dà perditga da la varietad da razzas creschida en il chantun Grischun. Per exempel tar las vatgas-mamma. Strusch in raz manca sin las pastgiras ed en ils uigls grischuns, la muntanera da vatgas da charn e multiculti, schizunt in raz derivant dal Giapun ha fatg part da l'exposiziun. Ils aderents da la tratga da vatgas da latg han persequità las rangaziuns e la elecziun da la miss Agrischa. E missas èn medema-



Spetgar sin il mument da sa preschentar al publicum.

FOTOS A. CADONAU

main vegnidas tshernidas tar la biestga manidla. Ina da las exposiziuns è sa fatschentada cun il terren, la basa principala per l'entir nutriment human. Conseguentamain èsi important dad avair qui-

tà da quella resursa. Ina Agrischa na porscha dentant betg sulet invista en l'agricultura e ses servetschs. La part culinaria a l'exposiziun da la fin da l'emna è stada vasta.



Ina exposiziun agrara sa era stanclentar.



Graun creschè sin terren grischun, in dals temas da la Agrischa.



Els n'han betg laschè disturbar da la travaglia d'exposiziun.



En il pass exact è sa preschentada ina gruppa da chauras da la razza Saanen.